

Transpakarreko haur eskolan pitzatuak azaldu eta umeak udaletxera eraman zituzten atzo

- Udalak haurtzaindegia itxi egin du “edifizioaren zati horretako estruktura benetan nola dagoen aztertu arte”
- Haurtzaindegian dauden 64 umeak jangelan egongo dira, egokitze obrak egin eta gero.

UDALETXEKO Areto Nagusia kolpetik haurtzaindegi bihurtu zen atzo. Transpakarreko Udal haurtzaindegian pitzatuak azaldu dira eta udal teknikoek erabateko garrantiarik ematen ez zutenez, Udalak erabaki du umeak handik ateratzea. Haurtzaindegian 64 ume daude eta 12 zaintzaile, eta Udaletxean pasa zuten atzoko eguna. Udalak ez du adierazpenik egin nahi izan eta prentsa komunikatu baten bidez azaldu du bere postura. Hemendik aurrera, umeak Udal Jangelan egongo dira (Kirodegiko frontoi ondoan). Lekua, ordea, ez dago erabat egokituia, eta obrak dagoeneko hasi dira. Baina horiek egin bitartean “umeak Transpakarreko zati batean egongo dira, pitzatuak dauzkan etxe zatia itxita”.

Transpakarreko edifizioak lehen ere izan zuen arazo hori eta joan den urtean berritu egin zuten. Otsailean zabaldu zuten, osteratzen eta udarako hasi ziren pitzatuak azaltzen. Orduan, obra berria asentatu artekoa izango zela pentsatu zen, baina, geroztik eta pitzatu haundiegok egin zaizkio eta horrek



Haurtzaindegiko umeak Udaletxeko Areto Nagusian, atzo.

sortu du kezka. Astearte arratsaldean asanblea egin zuten gurasoek, haurtzaindegiko zaintzaileak eta Udalak.

Haurtzaindegiari eutsi
Gobernu Taldeak ukatu egin du Transpakar momentuz itxi izanak haurtzaindegi zerbitzua zalantzan jartzen duenik.

Udalak azpimarratu du umeen segurtatea izan dela erabaki horren arrazoi bakarra eta azaldu du Udal Gobernuak haurtzaindegiari eutsi egingo diola. “Zentzu honetan, umeak zaintzeko denbora baterako soluzioak bilatu ditugu, eta helburu horrekin Udaletxeko Pleno Aretoa utzi dugu ahalik

eta molestia gutxiena izateko” dio Gobernuaren oharrak.

Ardurak aztertzen
Transpakar orain dela gutxi berritu zuten, eta Gobernuak adierazi du teknikoak aztertzen ari direla egoera honen atzean egon litekeen ardurak argitzea. □

Osiñagan Auzo Elkartearen bilera igandean

OSIÑAGAKO Auzo Elkartek bilera egingo du igandean eta zerrategiaren kontua izango da puntuetako bat. Auzo Elkartek Kronikari adierazi dionez, urriaren 17an Iñaki Arratibel Hiri-gintza eta Ingurugiro zinegotziarekin bilera izan zuten zerrategia eta industriak auzoan sortzen dituen zaratei buruz, eta horren berri emango da igandeko bileran. Auzo Elkartearen esanetan, “zerrategiaren inguruan Auzo Elkartearen jarrera finkatu behar dugu eta hurrengo urratsak definitu”. Horretaz gain, auzoan egon litekeen beste arazoak ere bilduko dira bileran eta urte bukaera arteko ekitaldi-egutegia ere zehaztuko du Osiñagako Auzo Elkartek.

Umeen jaia larunbatean

Auzo Elkartek umeentzako jaia antolatuko du larunbaterako Arriatsuko eskolan, 16:30etan: ume jolasak, merienda eta abar izango dira. □

Floridako emakumeek bazkaria egingo dute

FLORIDAKO emakumeak (auzoan jaioak eta gaur egunean bertan bizi direnak) bazkaritan elkartu ziren orain dela bi urte, eta aurten ere biltzeko asmoa dute. Bazkaria azaroaren 15ean, Etxeberriko Lagun Artea elkartean. Izena emateko, honako telefonotara deitu, azaroaren 1a baino lehen: 943-554309 (Pili), 943-333819 (Belen), 943-552551 (Arrate). □

Felix Zubia medikua gaur Ereñotzun

EREÑOTZUKO kultur astearen barruan, Felix Zubia medikuak hitz egingo du gaur osasuna eta janaren gainean. Hitzaldia, 20:00etan da, Txirrita Eskolan. Bihar, Patxin eta Potxin pailazoak izango dira, 18:00etan, plazan. □



Iñaki Zuza mendizale hernaniarra gia lanetan ibiltzen da.

Iñaki Zuza hernaniarrak Ama Dablam 6.812 m-ko mendia igo du

IÑAKI Zuza mendizalea ia 7.000 metrotara igo da Nepal. Espedizioa 7 mendizalek osatzen zuten eta hernaniarra gia lanetan aritu da. Ama Dablam hegoalde-tik igo dute, bide normala baino nekezagoa den beste batetik.

Iñaki Zuza eta gainerako

mendizaleak dagoeneko jaitsi dira behera eta 10 egun barru Hernanin izatea espero du.

Ama Dablam ez da mendizale hernaniarrak igo duen mendi bakarra eta aurre-rako ere baditu asmo berriak. Abenduan Akonkaguara joatekoa da. □

ZINGI-ZANGA
Jatetxea
Eguneko menuak
Asteburuan afariak
Florida 54
943 33 03 97
Eguneroko menuez gain,
Ostiral eta larunbatetan
afariak ematen ditugu.
ZINGI - ZANGA
Florida auzoa 54- 943 33 03 97

Arrandegia
Mari Fe

Nagusia 36 | Orkolaga 17
943 550 489 | 943 552 741
HERNANI

Etxeberri

Taberna
Etxeberri 2.blokea - 943 551267
Egunero menuak, Asteburuan:
Bazkariak eta afariak.

GALARRETA JAI-ALAI

Ostegun, larunbat eta igandetan jaialdiak
GAUR 16:00ETATIK AURRERA
ERREMONTE JAIALDIA:
1. partidua: Juaristi - Agirrezabala / Larrea - Olazar
2. part.: Zeberio II-Lizaso / Agirresarobe-Altuna I-Aizpuru
3. partidua: Bitoria - A.Lekunberri / Sarasua - Etxabe
4. partidua: Zeberio I - Badiola / Matxin III - Aizpurua II



Eduardo Trocoso Argentinako truke modeloari buruz hizketan, asteartean.

Andragoto Kultur Elkartek aurkezpen publikoa egingo du bihar eta interesatuei parte hartzeko deia egin die

■ Andragoto Kultur Elkartaren aurkezpena bihar izango da arratsaldeko 20:00tan ■ Aurkezpenarekin batera jendearen proposamenak eta iritzia bildu nahi dira.

ANDRAGOTO Kultur Elkartek aurkezpen publikoa egingo du datorren ostiralean, urriak 24, arratsaldeko 20:00tan, Andragoton bertan. Horrekin batera, interesa duen jende guztiari dei egiten die aurreantzerkian kultur elkartearen parte hartzeko eta proposamenak egiteko.

Andragoto urtarrean ireki zen eta ordutik hitzaldiak, tailerrak, antzerkia, gai bati buruzko asteak, eta abar antolatatu dituzte. Denbora honetan, Andragotok nola funtzionatu duen ikusi eta gero, elkartearen oinarriak jarri nahi dituzte orain eta horregatik egingo dute aurkezpena bihar.

Andragoto Kultur Elkartea proiektuaren oinarrian dago, bertako kideek adierazi dutenez, bertako artista eta artisauak bultzatzea eta jendea balore kulturaletara hurbiltzea. Horrekin batera, herriko talde



Astelehenetik hasita trukearen inguruko jardunaldiak izan dira.

eta pertsonentzako gune irekia izatea nahi lukete eta horiei lokala utzi beren bilera eta aktibitateak antolatzeko. Andragoto Kultur Elkartea apolitikoa, inpartziala eta autogestionatua dela adierazi dute bertako kideek, kritika eta independentzia alde batera utzi gabe.

Andragoton liburutegi bat eta hemeroteka daude eta

mahaia eta aulkiak dituzten bi gela. Horrekin batera alkoholik gabeko edaria saltzen duten barra bat dute dirua atera eta autogestioa bultzatzeko asmoarekin.

Trukea egiteko aukera gaur Bestalde, gaur trukearen inguruko jardunaldietan jendeak gauzak trukatzeko aukera izango du. □

■ HITZ BITAN



Ipurua taldea kiroldegian, joan den igandean.

✓ GIMNASIA

Tejedor Gipuzkoako txapelkun, Ipuruarekin. Asteburuan Gipuzkoako Gimnasia Txapelketa jokatu da taldeka eta Eibarko Ipurua taldeak irabazi du, Jaione Tejedor hernaniarra tartean zela. Txapelketa Hernaniko kiroldegian jokatu zen eta Donostiako taldea eta Ipurua aritu ziren lehian. Ipuruak aurreneko lana behintzat oso ondo egin zuen eta jendea txaloka jarri zuen. Jaione bete-betean sartua dago denboraldian eta asteburu honetan Gasteizen eta Zaragozan izango ditu probak.

✓ POESIA

‘Eguraldiaz Hizketan’ Karkabako plazan. Gaur gauean Mikel Peruarenaren poesia liburua aurkeztuko dute Karkabako plazan. Ekitaldia 21:00etan hasiko da eta, Andoni Tolosa *Morauk* hartuko parte, besteak beste.

✓ JUBILATU ETXEA

Akordeoi kontzertua eta Larramendi korua. Jubilatu Etxean musika izango da protagonista gaur arratsaldean. 19:30etan hasita, batetik, Irungo Kontserbatorioko akordeoi orkestak kontzertua emango du eta, Larramendi koruaren kantuak entzuteko aukera ere izango da.

✓ DOBERA

Argazki zaharren erakusketa Biterin. Dobera Euskara Elkartek Hernaniko argazki zaharren erakusketa jarri du Biteri kultur etxean. Denera 72 argazki jarri ditu Doberak eta XXgarren mendeko Hernaniren historia grafikoa biltzen dute, mende hasieratik 80garren hamarkadara arte. Erakusketa azaroaren 3a arte egongo da zabalik, arratsaldeko 18:00etatik 20:00ak arte.

✓ MIKOLOGIA ASTEA

Lehiaketako argazkien proiektzioa gaur. Mikologia Asterako aurkeztu diren perretxiko argazkiak gaur proiektatuko dituzte Biterin, arratsaldeko 20:00etan.

✓ MENDIRIZ MENDI

Argazkiak aurkezteko azken eguna bihar. Mendizale Astearen barruan argazki lehiaketa antolatu du Mendiriz Mendik eta bihar da argazkiak aurkezteko azken eguna. 20:00etatik 21:00etara elkarteko lokalean. □

ZERBITZUAK

☎ TELEFONOAK

►Taxiak: 943 550093
►Udaltzaingoa: 943 333288
►DYA: 943 464622
►Autobusak: 943 556662
►Anbulatorioa: 943 006666
►Jokalarion anonimoak: 943 331103

☎ FARMAZIAK

►Egunez: Aizpuru
Latzunbe Berri 11
☎ 943 336077
►Gauetz: Urbistondo
Lasarte. San Francisco 1B
☎ 943 366567

IRAGARKI MERKEAK

Emakume bat behar da etxeko lanak egin eta umea zaintzeko, goiz eta arratsalde: 07:30etatik 11:00etara eta 16:30etatik 19:00etara : **658 73 88 32** (iluntzean)

Emakume bat behar dugu etxeko lanak egin eta umeak zaintzeko. Interesatuek deitu: **943 55 27 79**

ESKOLA KIROLA

ASTEBURUKO EMAITZAK



Alebin mailako pelotariak, alde bietara entrenatzaileak dituztela.

Erugbia		Taldeak	Non	Pelota		
Benjamínak	Langile A-Urumea A	2-1	Alebinak	Langile B-Langile A		1-5
Benjamínak	Langile A-Urumea A	3-1	Alebinak	Urumea A-Langile E		5-2
Benjamínak	Langile B-Urumea A	2-0	Alebinak	Urumea C-Eleizabarro A		0-5
Benjamínak	Urumea D-Langile C	1-1	Alebinak	Langile C-Langile D		2-5
Benjamínak	Langile B-Iñm aculada	3-1	Alebinak	Urumea B-Txindia		4-5
Benjamínak	Urumea B-Eleizabarro A	0-3	Saskibaloia			
Benjamínak	Urumea B-Langile C	0-2	Alebin mutilak	Urumea A-Iñm aculada		22-8
Saskibaloia			Alebin mutilak	Eleizabarro B-Urumea B		13-48
Alebin mutilak	Langile-Eleizabarro A	15-31	Alebin neskak	Langile-Urumea		22-14